

# Ni tlanamikilis iaxka wan tlaixmatili tlen toweytatawah techkawahtokeh




# Ni tlaixmatili tlen toweytatawah techkawahtokeh, nehnemilis iixnecxkayo wan tlanamikilis iaxka

Ika tlaixmatili tlen toweytatawah techkawahtokeh mokwamachilia tlaixmatili kenihkatsa mochiwa se tlamantli, inehneuil, tlen yankwik wan nochi tlen momoyawa ipan masewalaltepetsitsih wan chinankomeh, wan nehnemilis iixnecxkayo elih nohkia tlen moitah kanpa monextiliah tlen toweytatawah techkawahtokeh wan tonehnemilis.

Keh ni, tlaixmatili tlen masewalaltepetsitsih wan chinankomeh kinmoyawahtokeh ika ni xiwipahtli eli tlaixmatili tlen ipanimah techkawahtokeh, mekatsa mihtotilistli, kwikatl, wan tlen ipanimah ininnecxkayo yani elih tlen kipanextiah ipanimah tonehnemilis. Ni amantekayotl tlen ipanimah tichiwah nohkia kwali kiixpantis tlaixmatili (kenihkatsa mochiwa) wan tlen kihtosneki ipan tonehnemilis (kenihkatsa nesi).

Ika ni tlanamikilis iaxka momalwia yehyechiwalistli tlen tlakatlanamikilis, nohkia tlen amo weli moihtos kema monamakah, ika xochitlahtoli wan tlen yehyechiwalistli, tlen kiyankwilia, ininixnecxkayo wan ixkopintli, inintokah wan ixkopinkah tlen motekiwiah kanpa monamakah.



Ipan miakih tlaltokahyo, ni tlanamikilis iaxka momalwia ika tlanawatili tlen mochihtok melawak ika tlanamikilis iaxka, keh ni tlaltokahyotl itlanawatil ika tlen nelkwali mochihtok, tlasenkahketl itechpowilis, ininixnecxayo wan machiyo. Ni tlanawatili tekawiliah ma ahkaya moaxkatilia ni tlanamikilis iaxka itechpowilis kitsakwiltikah ma sekinoh kiixkopinakah noso kintekiwikah ni tlanamikilis iaxka tlah axkana kinsenkawah.

Moitas tlamawisolli, Tlen kichiwah Yakuanoi; se paxalolli ipan tlaixmatili tlen towehtatawah techkawahtokeh wan tlanamikilis iaxka, kanpa mopowa ininpanolis tlen chinanko Yakuanoi, se masewalaltepetsitsi tlen axmelawak wan kenihkatsa kimalwia ni tomintlanilistli tlen CC.TT.



Onka se “tlatetsopali” tlatlahko tlaixmatili tlen toweytatawah techkawahtokeh wan tlen nehnemilis iixnexaso, ni tlanamikilis iaxka tekpantli. Maskeh ni tlaixmatili tlen toweytatawah techkawahtokeh wan tlen nehnemilis iixnexaso wehkaya eltok achtowi nesiskia ni tlanamikilis iaxka tekpantli, axkana moitayayah ipatilis yeka amo kimalwihkeh, keh ni panpa amo san se, axmowehkawayaya wan tlasenkahketl tlen moixmatih ika ni tlasenkahketl itechpowilis, wan tlen moneki ika yankwili wan tekitsitsi kiyankwilia tlen nelkwali mochihtok.

Maskeh itlachiyalis tlen tlanamikilis iaxka weli kimalwis tlaixmatili tlen toweytatawah techkawahtokeh wan tlen nehnemilis iixnexaso axkwali mokawahtok, tlanawatili tlen namah onka ika ni tlanamakilis iaxka weli kimalwis wan kimoyawas yehyetlachiwalistli tlen namah mochiwa wan moyankwilia ipan masewaltepetsitsih wan chinankomeh.

Ni Weyisentilistli Organización Mundial de la Propiedad Intelectual (OMPI) kichwa ma axowih nohtli ika tlanawatili tlen kineki kimoyawas se noso miak tlanawatili ipan taltipaktli wan moneki ma melawak momalwis tlaixmatili tlen toweytatawah techkawahtokeh, tlen nehnemilis iixnexaso wan xinachtlamantinih. Nochi ni mochihi ika Weyisentilistli Comité Intergubernamental de la OMPI ika ni Propiedad Intelectual wan Recursos Genéticos, Conocimientos Tradicionales wan Folclore (ni CIG).

Ma achi timoyolmelawas ika ni Weyisentilistli wan kenihkatsa tekitsih kanpa kamanalowa, moitas tlahkuiloli tlen CIG.

# Ni tlanawatili tlen tlanamikilis iaxka weli kipalewis ma momalwis wan momoyawas inehnemilis


Se masewalaltepetsitsi tlen Australia kiwasanki se senkawalistli ika se weyitlamachtilya ma mochiwas pahtli ika xiwimeh tlen chinanko kiixmati wehka xiwitl. Ni pahtli momalwia ika amatl nesi tlen nelkwali mochihtok.

Sekih miltekitianih tlen Peru ewanah tlen ipanimah miltekitih papa kamohtli, yani achi kwali wan ahwiak. Pewa kitekiwia se machiyo kipalewia ma moolinis nompapa kamohtli wan kiampa achi ipatih.

Ipan Ghana mokwalchihchihki tlanawatili tlen tlasenkahketl itechpowilis ma kintsakwilikah tekikalmeh ma kiixkopinakah tlen san inihwantih kimatlachiwah ipan ininaltepetsitsi.

Yani san eyi tlen panouah ika ni kwaltiloli tlen temakah tlanamikilis iaxka ika masewalaltepetsitsih wan chinankomeh. Ika nochi ni, tlanawatili tlen tlanamikilis iaxka axkisenkawah nochi tlen moneki ipan masewalaltepetsitsih wan chinankomeh.

Namah, tlah kwali motekiwia, achi kwali elih. Keh ni, weli kitsakwiliseh se ahkaya tlen kinekis kinamakas ininnehnemilis wan tlaixmatili tlen toweytatawah techkawahtokeh wan axmosenkahtok (yani motokachtiah “moaxkatiliah”). Wan nohkia motleghos ipatilis tlen tlamantinih wan kwaltiloli tlah altepetsitsi kiampa kimachilis. Keh ni, tlanamikilis iaxka tlawaelweyi elih panpa kipalewiah pisiltsi wan axweyi tekikalko wan kitetonia wan kichiwa chikawak. Tlah kwali motekiwia ni tlanamikilis iaxka nohkia weli kema onka internet ika kintekiwiseh.



Ma achi timoyolmelawas itlachiylis tlen ni tlanamikilis iaxka tekpantli kipalewis masewalaltepetsitsih wan chinankomem, nohkia ika tepostinih, moneki moitas wewetlahtolli tlen tlanamikilis iaxka moyekana ika pymes wan kaltapowanih tlen masewalaltepetsitsih kenihkatsa kimalwiseh wan kioliniseh tlamantinih wan kwaltiloli ipan internet.

### **Kema achi tikwamachilis nochi tlen ni tlanamikilis iaxka achi kwali tikitas ni:**

- Timalwis tlaixmatili tlen toweytatawah techkwahtokeh wan tlen nehnemilis iixnexkayo;
- Tiolinis tlamantinih wan kwaltiloli tlen kisa ika tlaixmatili tlen toweytatawah techkawahtokeh wan tlen nehnemilis iixnexkayo, tlah kiampa tikneki;
- Titsakwilis sekinoh ma axkintekiwikah tlanamikilis iaxka tekpantli ma moixmatis ahkiya yehyechiwalistli kichiwa ika tlaixmatili tlen toweytatawah techkawahtokeh noso tlen nehnemilis iixnexkayo tlah axkintlepanitah tlanawatili tlen moneki, wan
- Ma amo onkas sekinoh masewalmeh kintekiwiseh tlaixmatili tlen toweytatawah techkauahtokeh wan tlen nehnemilis iixnexkayo ika tlamantinih monamakah kanpa motlaltokahyo noso nochi tlaltipaktli.



World Intellectual Property Organization  
34, chemin des Colombettes  
P.O. Box 18  
CH-1211 Geneva 20  
Switzerland

Tel: +41 22 338 91 11  
Fax: +41 22 733 54 28

To contact WIPO's External Offices  
visit [www.wipo.int/about-wipo/en/offices](http://www.wipo.int/about-wipo/en/offices)

© WIPO, 2022



Attribution 4.0 International (CC BY 4.0)

The CC license does not apply to non-WIPO content in this publication.

Cover: [unsplash.com](https://unsplash.com) / © Kimzy Nanney,  
© Kristen Colada Adams, © Katrin Hauf;  
Getty Images / © Harshith K Aananth,  
© Frans Lemmens

DOI: 10.34667/tind.46489